

Naqqiut

Siunnersuut UKA2025/166 14.08.2025-meersoq taarserpaa
(Makku naqqiutigineqarput. Tunngavilersuummi oqaaseqatigiinnik naqqiineq)

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Namminersorlutik Oqartussat pigisaanni, pisortat suliffeqarfiutaanni misissueqqissaarnermi iluaqutaasinnaasut aamma ajoqutaasinnaasut selskabit niuertorpalaartumik ilusiligaasimanerannut aqqissuussisimanermi siunertaqartunuinnaangitsoq taamaattorli aamma immikkuullarissumik politikikkut qajassuussinissaq pillugu UPA2026-mut saqqummiussinissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut
(Inatsisartunut ilaasortaq Pele Broberg, Naleraq)

Tunngavilersuut:

Ullutsinni Namminersorlutik Oqartussat ingerlatseqatigiiffiutaanni aalajangersimasumik ingerlatseqatigiiffiteqarnermik inatsit, dansk-it Folketing-ianni sananeqarnikuusoq aallaavigalugu nammineerlutik ingerlatsineq ingerlappaat. Taamaakkaluatoq iluanaarutissanik aamma aningaasanut inatsisissami ersersinneqarpoq tapiisoqartarneranik taamatullu akileraarutitigut isertitaqartoqartarluni nunatta karsianut.

Taamatut tulluarsagaangitsumik ingerlatsineq taaneqarsinnaavoq ersinngitsumik akileraarutit akitsuutitullu. Ingerlatseqatigiiffiit kisermaassinerullutik ingerlatsimmata, inuiaqatigiit akisunaaralutik akilersuineranik kinguneqartarpoq. Ingerlatseqatigiiffiit inuiaqatigiinnut kiffartuussisariaqarpata, namminersortut nammassinaangippassuk, qulakkeerneqartariaqarpoq pitsaassutsimut akip appasinnerpaaffissaa.

Ingerlatseqatigiiffiit iluanaarnissaq kisermaassinissarlu kisiat anguniangaqannginnissaat anguniarlugu, pisariaqarpoq ingerlatseqatigiiffimmi inatsit maliinnarnagu allanngortiterineq, soorlu assersuutigalugu Pisortat Suliffeqarfiutaat Namminersortut, naalisarlugu SOV-itut. Kingunerisinnaavaa nalilersuiffigisinnaallugu suliffeqarfiit namminersortunut

unammilliiunnaarsinneqarsinnaanerat. Innuttaasunut akikinnerusumik namminersortut sullisisinnaangorlugit.

Innuttaasunut inuiaqatigiinnullu akikinnerpaamik pitsaanerpaamillu suliffeqarfiit sullissinerat kinguneqarnek ajorput. Kiffartuussinermut Isumaqatigiissutit assersuutissaqqipput. Atuisullu akisuallaamik akiliitillugit, nunatta karsianut agguarsiarsisarneq pippat, pisussaaffigaarput aaqqissuussaaneq tulluarnerpaaq ujartussallugu.

Inuiaqatigiit namminersortullu pillugit pisussaaffeqarpugut ujartussallugu iluaqutit ajoqutillu, pisortat suliffeqarfippassui SOV-mut aaqqissuussaassagaluarpata.

Pisortat suliffeqarfiutaat soqutiginagit namminersorterujoorlugit ingerlaannarsinnaangilagut, pisariaqartipparput piginnittutut toqqaannaq qinersisartut sinnerlugit aqutsinissatsinnik.

Politikkikkut oqaasertalertariaqarparput qanoq inuiaqatigiinni pisariaqartinneqartut kivinnissaat. Pisortat suliffeqarfianni ukiumoortumik ataatsimeersuarneranni oqarluartaalaaginnarneq naammanngilaq, kingornalu qiviaqqinnguarnagit namminersorterujuussallugit, utoqqatsissutigalugu politikikkut akuleruttoqannginnissaa.

Pisortanut aningaasatigut allaffissornikkullu kingunerisassat

Kalaallit Nunaanni Namminersorlutik Oqartussaniit suliffeqarfiit oqartussaaffimminnik misissuinissamut sulisoqarnermut immikkoortitsinissaq pisariaqartinneqassaaq, ilaatigut naalagaaffiup Danmark-ip eqqartuussissuserisua aqqutigalugu suliarineqarsinnaavoq. Tamassuma suliarineqarnera sulisup ukiup ½ sulinerata iluaniinnissaa ilimagineqarpoq. Suliffeqarfiit ingerlatseriaasissaa allanngornissaasa aningaasaqarnikkut misissuititsinissaq naalagaaffiup Danmark-ip eqqartuussissuserisua aqqutigalugu siunnersortinneqarsinnaaneq periarfissaamat, soorlu SOV-tut allatulluunniit ingerlatsiviit inuiaqatigiit pigisaannut ikiuisinnaaneq qulakkiigaaqqavoq.

Namminersorluni inuussutissarsiuteqarnermut aningaasatigut allaffissornikkullu kingunerisassat.

Namminersorluni inuussutissarsiuteqarnermut aningaasatigut allaffissornikkullu kingunerisassaannik soqanngilaq.

Innuttaasunut aningaasatigut allaffissornikkullu kingunerisassat

Innuttaasunut aningaasatigut allaffissornikkullu kingunerisinnaasanik soqanngilaq.